



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Septiceps Lvthervs, Vbique Sibi, Svis Scriptis contrarius,
in visitationem Saxoniam**

Cochlaeus, Johannes

Parisiis, 1564

Protestatio Iohannis Cochlaei.

urn:nbn:de:hbz:466:1-35803

Protestatio Iohannis

Cochlæi.

Postremò igitur post tædiosum hûc laborem non modica inquisitionis molestia exanclatum, ita protestari contra maligna quorundam iudicia operè precium videtur, imprimis, quicquid in hoc cunctisq̄ aliis libellis meis à me scriptû est, id totum Sedis Apostolicæ, Ecclesiæq̄ Catholicæ iudicio, plena & deuotione, & obedientia submitto, correcturus, imò pro correcto & reuocato iam habens, quicquid superioribus meis erroneum aut malè positum videbitur. Deinde, si qua verba festinanti mihi (nam ad longum iter ineundum certa mihi dies tum præfixa erat) elapsa sint inconsultius, quæ iustè vel huius, ad quem scribo, vel alterius Principis animum ad indignationem mouere possint, ab iustè indignantibus veniã simpliciter præcatam volo, humiliter petens, vt simplicitati condonetur quicquid imprudenter, non malignè à me positum deprehenditur. Scriptum est enim: Qui non offendit in verbo, hic perfectus est vir: Ego autem perfectus minimè sum, fieri ergo potest, vt feruentiori fidei zelo incitatus, aut asserendæ veritatis necessitate adactus, aliqua scripserim, quæ aliter affectos offendere possint. Ego autem, Deo teste, probè conscius

III PROTESTATIO IO. COCLÆI.

mihi sum, quòd nihil iniuriandi animo in vltim Principem hîc scripserim, sed solummodo admonendi gratiâ totum hunc laborem fideliter susceperim. Proinde non iniuria, à qua longè abest animus meus, sed obsequium studiûmq; bene promerendi rectius dicitur (spero) labor iste, ab iis præcipuè, quibus cordatû affectibûsque liberum fuerit iudicium: Haud secus enim dicturus essem, quàm in hoc libro scripsi, vel sub arctissima Iurisiurandi religione, si fidelitatis iuramento adstrictus essem. Illustrissimo Principi Electori. &c. atque ab ea vel in medio Consiliariorum suorum confesfu ac secretissima consultatione sententiam iisce de rebus interrogarer: Tâtû abest, vt vel iniuriandi vel circumuenciendi studio aliquid hîc scripserim.